

蘄州志卷之十二

知蘄州事虞山錢 整纂輯

人物志

恬退

澹於榮利環堵晏如古稱達觀之士非耶蘄地饒佳山水蒔花種竹飲酒賦詩又適足寄其徜徉宜夫優游退處者多也

明

郝源字本清聰慧端慤長于訓古書于醫數無不精

蘄州志

卷之十二

恬退

曉荆王最雅重之保宮僚不就以子守正貴贈工

部員外郎

陳曰恒字知德號石居散人著有逸興詩稿正德丙

子郡守李素純書行義表其居子仁近仁民另傳

李朴字淳夫正德丙子舉人歷官陝西隴州知州以

直見忤調任不赴退居林下豪放於詩酒數年乃

卒祀鄉賢

王鸞字應期正德年歲貢授餘干縣學訓導陞舞陽

教諭善於課士予告歸猶窮經牖下澹泊寡營兩

縣不能忘各載名宦

陳一賓字用世諸生科舉屢躋遂豪放自如時聚族人說家法著有元緝野人集

胡世則號乾封萬歷間官至雲南府太守有聲尋告歸日惟常餼鄉居自適

陳仁民字守治號龍岩由廩生就例貢授新喻主簿及致政家居不殊布素端方誠篤里中稱爲長者晚與弟仁近杜門却掃詩酒自娛不與外事

王允隆字爾錫性穎敏能文章甫成童爲諸生凡七

蕪州志

卷之十二

恬退

二

試省闈不售食廩餼曹偶推重終以例貢得補丞佐不屑就出處無愆尺寸著有鷓枝館蓼堂等集

國朝

李具慶字亞白兵憲樹初次子博極羣書爲州學生值獻寇陷蕪全家罹難具慶被創妻暴創負之行國朝定鼎歸居湖上防道呂延入雲門社與晏東白華二華主盟文壇終絕意仕進晚號懷二著有芸

香草荷汀等集

張承俊字克灼州諸生布政邦翼孫同知效葵第三

子善唫咏兄承位令桐鄉每省視必艤舟西湖詠
懷古蹟卷袖至益篋晚號杏園老人

李本淑字心尼號松筠孟春孫橫之子由文學入監
考授州判以親老不仕性謹厚行中禮法晚癖山
水築室于桂花亭教子讀先世遺書詩酒自娛不
履城市年七十餘卒

陳其功字銘常諸生弱冠卽有文譽嘗謂文不先行
篤修門內爲族屬矜式

張士灝字鄰遠歲貢生工詩文試輒冠軍性豪爽每

酒酣吟咏不休築園於城北顏曰梅隱晚益刻苦
爲詩子樞另傳次栴諸生工詩書法尤精

陳吾惻字大誠號朗臯州副榜仁近長孫母周氏工
文詞嘗築葢舍側教惻兄弟無故不令下惻益究
心典籍著作甚富存者僅三角山會龍池記

李士俊字潤文號于英炳然從弟從遊於澹巖仇懷
諸公時加磨礪駸駸有得扁其居曰鶴原石室吟
咏以老著有鶴原集

顧普字康侯景星長子州諸生性純孝母請天病篤

顧天祈禱願以身代母歿一痛幾絕父歿亦如之
張梓字琴質歲貢生才學優長文祖唐宋八家晚乃
豪放山澤間有物外吟集

陳文炳字兩則時流寇蝻起炳鳩集居民拒險設伏
賊不能害無意科名以明經老

李之珖字寶次弱冠爲州學生祖樹初伯延慶死於
難珖承伯祀伯有二女一適貢生馮楫一適舉人
張承位凡遺產與二女三分之篤行諍不入公門

陳其坊字彥臣博學不求榮進課子姪敦崇實行年

八十州牧遲舉鄉飲賓

胡之備字備甫歲貢生苦讀書爲文必準繩墨屢躋

鄉闈遂絕意科目作隴上吟

陳吾愷字仲悌郡諸生仁近次孫少與兄吾愷同師
母教嗜學好古工於聲律並妙書法著有岫巖草
堂詩集藏於家

石爲璘字璿生號野航州諸生先世河南鄧州人父
中玉以功授粵西參將卒於任璘幼隨母扶櫬過
新蘄營參將爲姻舊遂家焉長從顧黃公遊凡詩

文親承指授有野航草尤工書法性閑造輒一琴
自隨時比之曼卿云

葉玉成字崑最性穎悟年十二補諸生短檠風雨讀
書至夜分不倦蒔花種藥清趣自適

張仕厚字存古仕渾之弟讀書多冥會絕迹下帷不
喜見賓客以歲貢司訓荊州府未久告歸舉鄉飲
大賓

顧秉恪字丹懷號滄洲州學生試輒高等築室於後
嵩園擁書據案教授生徒多所成就不輕與讌會

當事聞其名非公不見益重之

方彭蠡字石鐘號東匯歲貢生博學能文構室江干
棲遲以老著有廻瀾集

田再高字寧字明季亂棄妻子負父宗潢得免

國初時土賊馬連山鄭鼎生等踞將軍山仙人臺爲民
害再高練鄉勇擊退之授職不就隱居教子弟以
老

李澤兌字振秋本淑長子性穎異十歲能文弱冠以
第一補諸生博極羣書詩古文詞名噪蘄黃間有

文集藏於家

饒斌泰字文安少貧無力就外傳受孝經論語于其母稍長學益進爲名諸生以歲貢司訓竹山循循善誘其邑自是多文學卒于任貧不能歸遂籍焉李永昇字志南號青郊中康熙庚午鄉試性豪爽英敏絕倫與同里張仕渾馮以觀顧昌相友善每讌集賦詩節響清越慷慨悲歌聞者壯之

王開翰字守東號杏橋少穎異十七爲諸生同伯兄開泰讀書洪山寺泰選庶常翰數奇弗售與秦愚

蘄州志

卷之十二

恬退

六

圃張另齋輩文酒往還年四十一卒

鄭裔周字邵胄號關吾州諸生早失怙恃刻志讀書屢躓場屋遂放懷詩酒于同輩中稱豪士焉

李生彬字雉文少能文試童子第一補諸生友愛諸弟門內怡然晚乃棲遲湖上以明經終

何光義字臣樞州諸生獻賦屠蘄闔門焚殲惟義獨存遂灰心仕進終日杜門焚香默坐罕有接其言笑者

李國華字耀字貢生明季賊勢猖獗國華負母至深

山避亂兩弟幼被掠復計脫之人稱其孝

馮應舉字伯貞居心忠厚癸酉年賑饑又捐募關口

河渡田當事請獎力辭不樂榮譽隱居山林

黃天祐字貞符州諸生篤於學後結廬於濟邑之青

林湖與舒峻極劉千里詩社往來屏棄一切

王興鈞字孟堅弟興鐘字金聲永城子鈞諸生鐘太

學生兄弟孝友雍睦之氣溢於庭間外事無所與

張鏡字研修由諸生就例貢敦厚周慎不苟言笑晚

猶嗜學手一卷無間寒暑後輩敬憚之

新州志

卷之十二

循退

七

張樞字鴻緒號紫垣州學生少負大志屏棄一切讀

書梅隱園終日夕不倦善書工吟咏著有矩軒詩

集

李秉寧字萬感性醇謹喜讀書下帷攻苦人罕見其

面以明經者

陳起書字公昇性穎敏讀書日數行下後以文就武

試垂年科獲舊書集他方界有膽氣然守法度足

未嘗一履城市

昌珍字全蜀號濟川康州成子武舉公車一上不復

圖榮進建星聚堂課子若孫妹適劉早寡玠為資
抄撫其二子妹得終節子三孫士模乾隆壬申舉
人

王學喬字洪士工舉子業為州諸生中年即無仕進
意吟風弄月寄傲于蒼松白石間

步堪字亦仲恩貢父文獻諸生年九十堪年七十不
異孺慕以授徒世其業不與外事

李承先字黃序郡諸生家貧嗜學長于訓詁治壁經
者多由指授

熊楚荆字漢南號玉山州學生為詩有聲晚構別業
潮清自處詩見兩湖合刊

黃載華字砥南號鹿亭太學生性恬靜喜讀書質弱
冬夏不離扇日手一編兄弟相摩勵善詩古文詞

兩湖七子華與弟嶠皆與焉年六十六卒子式鵬
尋卒孫承堅梓其梧岡詩文及咏史百花吟等集

王超儒號天峯州諸生操履篤實有古君子風性敏
悟能文章家居教子類以文行相勉勵乾隆乙丑
學使者采其優行

張世永字卜周篤學能文弱冠爲諸生屢困棘闈遂
放懷山水年逾八十子龍藻太學生

陳鴻猷字襄侯士眉次子少穎異九歲能文章嘗讀
書城北宛中菴屏棄一切由國子生考授縣丞以
疾未仕卒

王思述字宜山太學生父學古病足述扶杖納履不
以人代妹早寡爲購屋割膏田百畝與之撫其子
成立築南岡別業蒔花種竹其中有泉石之癖云
陳大孚字顯吉州諸生素剛正不阿人有過失直言

相規不少假辭色晚年澹於世故筆床硯匣終日
自隨於經義多所發明

張炳文字崇姬號郁齋出例監考授州同所行一軌
於正晚築別業觴咏其中以一經遺其子不與外
事

王世治字傅霖號雲區少能文就例以州貳講選都
中聞母病趨歸踰年母歿遂無復仕進意築南山
樓焚香獨坐不伍塵俗

陳國寧字襄眉郡諸生少有文名比長學益博洽順

治丁酉中副車自是屏跡山林詩酒嘯咏以終
范公璉字鼎彝號半園謹厚恬退閉戶謝塵以書法
自娛非義不苟年七十足跡不入公庭里人推鄒
祭酒焉

陳之壘字北垣肇元長子少爲諸生後准例貢季弟
於柱夫婦早亡之壘撫兩姪如子

王世溥字量周例貢生少聰穎善屬文沉靜嗜學一
時從遊者遍閩里循循稱善誘焉

陳可坦字履吉郡庠生磊落有大志文酒談讌恢諧

蘄州志

卷之十二

恬退

十

不減晉人年三十餘卒所爲詩不自收拾多散軼
人咸惜之

駱三捷字克明好讀書年六十手不釋卷督課家塾
陳於棠字萼華號實齋由太學生考授州同爲人豪
俠重義不就選詩酒自娛栖息林泉以老

陳夢蘭字魯奇諸生資敏嗜學隸戶讀書足不履城
市喜獎藉後學晚年寄情山水詩酒自娛年九十
卒

余正古字道平歲貢生母年八十正古年六十依依

孺慕工舉子業遊於門者甚衆

陳坎字帝因性謹篤不輕然諾建祠置產族衆多倚
賴之爲諸生有聲以明經老

王柯字育萬歲貢生居處深山好古籍以幽人自命
榻管爲文詞饒有逸致

王世沅字靈湘力學不售乃就例爲太學生家居篤
宗族之誼遇非禮不動聲色怡情山澤晚字澹齋

云

駱藻字正音州學生性溫敏醜醜經史隨所往必携

蘄州志

卷之十二

恬退

三

書以行著有訥齋草門下成材者甚衆年七十二
卒

胡應虞字文際號續齋州學生卜地一區築室一楹
讀書其中無子卒家人卽室爲葬所

尚義

制事之準莫大乎義君子于行義難言之布衣一諾
重于兼金中流一壺尊于拱璧夫有取爾也是故博
慨樂爲人緩急者亦足多焉

宋

祝文蔚寧宗時蘄州土人嘉定十四年三月金人犯
唐州陷蘄州知州李誠之及其屬吏皆死之詔趙
方徃救方遂命許國扈再興解唐城之圍國還鄂
州保江再興引軍至蘄州之靈山伺金人歸而擊
之文蔚橫突入陣大敗金人再興乘勝追逐六十
里擒其監軍合答等

張德興蘄州民當幼主稱制海中舒黃蘄義兵相繼
起德興與安慶野人原寨主劉源起兵司空山屬
縣人博高亦起兵應元宣撫使賈居貞移檄諭以
禍福兵稍稍渙散高知不可爲變姓名逃元兵獲
而殺之

明

顧禧正統中出穀賑饑事聞勅曰咨爾湖廣黃州府
蘄州民顧禧國家施仁養民爲首爾能出穀一千
一百石助賑朕用嘉之特賜勅獎諭榮以羊酒旌
爲義民仍賜免本戶雜役二年尚允蹈忠厚表勵
鄉俗用副朝廷褒嘉至意欽哉故勅正統七年四
月十八日命有司立旌善坊

陳仁惠字守介宏治例貢和平正直族衆奉爲長諸
事悉聽命焉封祖壠增祀田有孝義稱

胡從瀾與弟從滿從澆世居蕪家山五代不析箸王
德中載穀千石至省城值饑盡捐以賑事聞勅賜
旌善

劉正佳字繼山州諸生性好義嘉靖間兩次爲粥賑
饑

李扶字開甫際春第四子神廟末以明經授淮安府
同知山東大饑撥米發賑造糧艘以河淺不得進

扶向富商貸銀數萬僱人夫起運山東得以濟後
粥產以償商人事聞加按察司僉事諸兄皆貴顯
另傳弟模兵馬司指揮

陳定國字翼宇重行誼臨財毋苟嘗客武穴鎮路拾
囊金訪爲幕屬所遺得其人悉還之美聲益著子
侯周另傳

胡朝宸字正卿天啟間歲荒朝宸出穀五百石以賑
復爲粥于路全活甚衆有義聲兩舉鄉飲賓年八
十有六卒

陳惟聰字遠承州諸生承惠元孫天性孝友生母唐氏早卒事後母謝氏如其生母與季弟惟顯惟簡惟哲相友愛三世同居不析箸人稱其義

陳仁爵字守崇號南湖州諸生篤行孝義父曰桂遺基業甚豐庶母弟仁敦生甫匝月有謀欲害者爵覺置幽室令已婦乳哺後敦亦以行義稱

國朝

李彥字美仲州學生僉事新弟為人謹厚多隱德癸未之難全家被害彥獲免遠竄歸見白骨遍野遂

蘄州志

卷之十二

尚義

十四

捐資收瘞于東郊合大塚盧澹崖為瘞骼記

陳士眉字眉白言先子歲貢生讀書明大義不務章句尤好施予嘗捐牛馬坳為義塚歿後州黠者佔為已業其子太學生澤猷候補營千總起超等清出墾田租十石資書院膏火

吳士雍字兩燮善玉子以父疎財析箸時僅米十甌初貢太學至是棄舉子業理家政不二十年田園日拓其法一本子儉然好義不減于父每歲春出佳種以助農民鄉里賴之

陳道毅字惟執郡諸生性豪爽樂施與於渴口鎮建橋三約費千兩募未及半遂鬻腴田百畝成之
李澤溥字沛蒼歲貢生工詩古文才識過人州牧張六菴有疑案不能決延溥至咄嗟立辦家承貴顯饒于貲溥振乏絕聯姻族製湯藥施棺木鄉里德之靳俗富家每易佃溥獨不易令子孫世守著有雨湖閣文集津梁醫書

陳心鉉字隱豹州諸生好古慕義時流寇犯境集鄉勇仿團練法立砦以禦有司壯之功授守備駐劄

道士狀

葉俊士字秀升號渭公歲貢生初授益陽縣訓導陞零陵縣教諭尋陞施州衛教授所在課士有方人知敬學致仕歸置本鄉橋渡以濟行人辛亥靳饑俊士捐穀賑之全活甚衆

葉優士字餘公號大軒由貢任浙江仁和縣丞夜聞書聲造廬訪之乃邵生也家貧力學優士月給膏火獎遇有加禮邵生登顯仕士民立石彰其義

汪同斗字天北年十四爲獻賊所執無懼色

養之乘間得逃遊蜀十餘年挾貲歸恢復故廬慨好義收舊姻方張二姓子飲食教誨各予婚娶康熙癸卯歲大水同斗收租高山里減價出糶貧者不取值

劉漢臣字楚相敦睦姻族以孝友世其家父君愛最憐少子析箸時漢臣悉捐膏產以與其弟康熙間州牧張倡建西河橋漢臣捐金督工隱德尤多

陳豐曾字魯士歲貢生平居謙退不欲先人義所當為慷慨身任其責友愛諸幼弟課以成材治家肅

穆室無私財食無異饌有義門風

邱天錫性謹樸居與堂姪文若蓮若俱少孤天錫撫其成立各克其志嘗埋白骨尤為鄉里推重

張星炳字仲華嘗流寇起結鄉勇以為捍蔽未幾賊衆突入舉家悉羅于難承平後葬其父母以下六棺撫姪如子恩養倍至

盧暄字星耀好施與鄰里不給必量力以助收瘞無主枯骨康熙三十二年以耆老舉太守戴旌其門吳善鑄字鼎來幼失怙母手病莫舉每食善鑄必左

右之歲饑出賑置喪具施山地以殮貧

胡正綸字敦五有族兄立嗣已六十餘年軍戶胡姓
誣爲逃旗幾瀕于危正綸代白之俾承宗祀里閭
有爭執一言輒解子便有父風年七十始生子可
駸咸謂積慶云

蔡世華字樸先諸生醇謹爲士林推重鄰人有爭執
互質于華輒杜門不出後乃緩言以解每歲暮館
歸聞戚里不給必解推以濟有義聲

田之魁字士元州諸生端方式俗尤輕財尚義倡修
斡埠河大橋石路并置渡田募金不給領儲以成
行旅德之

陳欲乘字奉三太學生丙辰荒乘出貸廩穀千石以
應貧者不取息鄰邑蘄水亦製扁彰其義
張爲光字秉元與物無競終身不見長吏家素封族
里多感其惠

胡啟觀字用賓諸生性樸實無匿情飾貌家頗饒戚
里間扶危濟困畧無吝惜

陳欲春字載陽太學生族立房長子姪多就範尤輕

財好義州里有公舉輒踴躍襄其成

胡正科字登一太學生性儉樸自奉淡如鄉人有急者嘗稱力周之

蔡士元字儒宗例貢生重行誼好施與寺觀橋梁傾圯者多賴修葺

胡世嶽字中山醇謹老成好行善舉嘗歛穀賑外來饑民全活甚衆

胡獻美字尊五尚義氣康熙間里有私派無敢言者獻美白其事居常就質訟端多息

蘄州志

卷之十二

尚義

六

范襲祿字繼文生二歲而孤事母終養時有徭役之派襲祿承應爲鄉人倡某姓喪母無殮葬旣鬻其子襲祿解囊購歸俾全父子始終無德色子正另傳

吳本瑞字端正天性淳友尤好施與康熙癸酉捐穀數百石煮糜以活鄉人後每值歉歲捐穀如初前牧重其義與靈虛道局培同舉鄉飲賓

王星慶字守志通逸菴廩生和平涵厚重誼樂施族有孤子公瑞者無所倚星慶給與腴田經紀其家

俾得成立又朱氏子德修兩世單傳貧不能娶祀
幾絕星廖資給完娶善行多類此士論高之

王興鏊字文恪少讀書不售隱居于鄉百行修整日
用間自奉淡如有羨卽爲貧者助

湯美秩字時卿號庸齋輕財重義兵燹後給族鄰牛
種生計以滋值歲稔捐粟賑饑時分守道徐前牧
高胥旌其門子嗣武鄉賓

何一貢字序尊家世豐厚好施與族有貸貢貲貿死
於外者貢越千里扶櫬歸不計前貲仍周其妻子

鄰有鬻子者貢捐金贖之雍正丁未歲饑穀價昂
貴率姪開卷等減價糶穀六千餘石遠近賴之

王佳士字元臣幼失怙遵母訓撫弟元弼元錫著聲
費序嘗以四十金置婢歸行母子相對泣佳士憫
焉卽還券不索償候選縣丞未仕卒

陳欲禎字我承資敏嗜學入郡庠文名噪一時母周
氏病篤刲股求療里黨有義舉尤喜爲之

陳法琰字周琬師儁第五子修葺橋梁道路不惜多
金雍正年山東民流于蘄琰給以口糧路費回籍

州牧詳請表其閭

吳大觀字學禮良才之子任成都府守備有勇畧至性過人少子應星字聚五有父風

伊琦字懷璋恩貢生胷次坦白爲衆所信任乾隆五年修麗澤堂經營事竣以琦與汪倣侗爲首庸

胡啟虞字紹唐太學生丰儀俊秀性樂施與每歲饑輒竭廩穀平糶著義聲

陳欲亨字乾次州諸生性敦樸無機巧家故饒樂爲人緩急窮冬無告者資給薪米歲以爲常

葉煥字度生幼失怙母張氏教之中康熙戊午武舉選青州千總未任居家好善樂施族里德之

李芳蘭字景名太學生考授主簿諸弟相繼歿事母孝待姪如子多義舉修衛署等務芳蘭與焉

汪倣侗字育中州諸生執親喪哀毀骨立事伯兄濂友恭曲盡輸金修麗澤堂造湖橋壩人稱其孝義云

湯顯名字嗣武仗義輕財宗族鄰里無少長咸德之前牧劉以耆賓舉

駱舉字育萬師書子性樂施予乾隆九年捐穀三百石分濟窮民又貸金貧不能償者令各驗券悉焚之

胡世祿字天申好義樂施每酷暑蔭置義漿歲凶煮粥濟餒德聲載道子萬年甲辰武舉

方其昌字未央諸生仗義輕財康熙己丑歲饑捐穀數百石以賑族里平居樂爲人緩急前牧劉以介賓舉

田可斗字文舉好善樂施康熙癸酉歲饑捐米賑餒

分守篆錫金牌獎之前牧張暨署牧劉累舉鄉賓子僕另傳

陳滋古字書潤歲貢生性伉爽勇于爲善雍正五年捐穀數石煮粥賑饑族鄰有貧乏者每歲出穀分給之州牧蔣旌其閭

張志傑字子占州諸生歲試歸遇婦人泣于塗詢之其夫負官錢鬻婦以償婦不忍別志傑探囊金代完婦得不鬻著有松筠堂詩集纂本草諸書

田僕字殿倫太學生尚義行時丁賦逋欠僕兄弟代

鄰人輸納歲歉輒賑賙念沙徑無停泊地築墩建亭今名五里墩

江時珍字立遠太學生好善樂施杜門訓子儒學以優行舉

田之玠字宏道由太學考授縣丞賑饑濟貧率多義舉晚年修圳溝西河諸橋梁不惜多金行旅便之李鑑字治凌宣武將軍世忠長子事繼母吳氏以孝聞捐修北關外橫街輸糧者稱便周鄰里予殮葬臧耀痊骼善行著聞雍正十年以善人舉各憲旌

其間

陳篤祐字炳文號靜齋少精研爲諸生痛弟夭遂薄仕進樂善好施捐藥濟病晚益醞釀百家吟咏自娛

江萬齡字涵萬由武生就例授千總未仕乾隆間西河驛及小河捐募修橋萬齡出貲勸其事

王鐸字振蒙例貢生家故饒周恤族鄰修理橋路雖多金不吝

童有稔字禾周少孤事母居氏善承其志里有二孀

婦貧甚母憐之稔歲給衣食以全其節侍母疾奉湯藥三年不少懈族中有貧不能娶者輸金爲納婦每歲量發困廩以周饑寒又捐修橫河橋圳口路數百丈行旅稱便

汪啓邦字惟憲尚德義樂施予凡通衢險礙津渡橋梁多所修葺遠近僉稱隱德

陳雍字敦仁州諸生博古能文辭尤善醫方多奇中診貧者病藥不取值著有醫方三昧

管齊忠字思棠太學生性篤孝義初無子有負逋者

願納女忠不許旋取券焚之丁未歲大水池可網魚僕執竊者告叱釋之舟夜行遇盜呼救來漁家子卽所釋者諸如宗祠義渡皆竭資後生三子長以優行聞

蔡敏時字君識性沉靜事父兄甚謹好施與每歲饑捐米以周貧乏族里不能嫁娶喪葬者貲助之時太守李州牧張廉共善各與扁獎資有差

王世滋字思聖性篤孝孀母石氏孀居事之如母兄斯覺年老無子立滋次子滋復爲兄娶副室舉三

子族黨義之

李開宗字荆門父早世藉館穀德母母歿廬墓待諸弟以友稱家雖貧必戒非義云

王世永字子配劔貢生性穎悟料事多奇中少失怙以哀毀失明事母能先意承志

畢森華字玉章以尚義舉鄉耆年九十州牧蔣親履其門贈詩以彰其善

吳之煥字燦章幼失怙事繼母唯謹妻謝尤得姑歡家居雍睦與人無爭嘗解囊以助不給鄉人咸服

其義

吳心亮字廷玉諸生妻李氏奩甚厚亮盡出其有以置公產分諸弟姪州牧劉舉鄉飲介賓

黃時謙字敬純性耿介族黨多推重之晚年尤樂施濟劉公河義渡年久多侵蝕時謙竭力清出增置橋筏旅人德之

李元燕字子居太學生事母孝外母守節無子元燕事之如母兩兄中落次兄無子歿元燕以次子嗣並割已產贍其嫂鄉里義之

張繼錫字百朋友愛諸弟妻宋早卒錫終身不再娶
收恤族鄰與同憂患人稱其義

楊本謨字聖言性剛正多善行雍正年水荒捐穀數
百石以濟貧乏

胡學昇字煥萬太學生慷慨好義篤宗族敬鄉老養
孤子皆踴躍爲之

王瑗字景遠太學生直爽有局度不近非禮弟珩字
禮南讀書自定日程補郡諸生教授里中貧士尤
資其成就云

陳欲綸字彌先太學生有假貸不能償者嘗焚其券
歲饑鄉里貸穀者減其息

江文理字光緒例貢生幼穎異好讀書事父母稱孝
嘗置渡田復祀產收睦宗族無間疏戚

胡啟倡字紹伊兄弟皆早逝事父母以孝聞世居蘓
家山義命自安風族屬以正不給者輒周卹之乾
隆間舉鄉飲耆賓

鄧植字茂生性儉樸遇邑有大務輒踴躍勸其成周
族黨之急歷數十年不求人知

隱逸

魯論記隱者逸二氏皆不世出之士非獨其所遭然也
蘄舊志隱逸自宋以來不多載然猶不盡如古人今
復稍稍節去增入惟黃公一人徐傳已載府志仍之

宋

吳瑛字德人以父遵路蔭任補太廟齋郎歷官虞部
員外郎尋請休公卿大夫知之者挽留不聽相率
賦詩飲餞于都門遂歸臨溪築室種花釀酒家事
一付子弟賓客必飲飲必醉有臧否人物者不酬

蘄州志

卷之十二

隱逸

三

一語但促行酒妹夫某嘗取家財數千貸人不能
償瑛哀告之曰是人有母得無重憂召而焚其券
門生爲治田事歷歲忽訓去日聞有言某簿書爲
欺者諛不可留瑛命取前後文書示之蓋未嘗發
封也盜入室覺而不言且取被乃曰他物唯所欲
夜正寒幸舍吾被其真率曠達類如此

明

袁信讀書敦禮聞義勇爲嘗以便民事陳言于朝特
賜俞允錫以爲善陰隲孝順事實二書年九十八

無疾而終子睿廣性孝謹居喪盡禮時人樂道之
朱紳字懋孚號竹坡居田野自食其力牛背夕陽卷
冊相隨悲今弔古慷慨激烈人莫能窺其際

李建木字泰階時珍末子州學生博洽經史篤于孝
義兩舉行優初無子以姪樹初爲子教樹初成進
士官至山西副使迎養不至屏絕應酬隱居湖上
酒醯茶竈侶漁樵日談今古後贈中憲大夫祀鄉
賢

翟文英號二楚山人蘄諸生萬歷間人風流諧謔放

浪不羈以詩名尤工畫人物筆墨瀟灑輒有生氣
標句新雅時人爭膾炙年八十餘卒

陳侯周字舜生州諸生父病割股以愈終身不再娶

明季棄衫履短褐芒鞋遯于山澤尋以壽終

余庭蘄諸生萬歷初負盛名與時落落不合人目爲
狂督學使者試第一讓其狂庭徐進曰願受撻督
學問故庭曰不願制舉耳督學怒撻之徐徐起出
竟棄諸生耕耨自食每長歌田野間以詩名有稚
兒莫作啼饑狀貽爾清貧樂更多之句自號三槐

山人

盧楷字汝端號南槐才識過人少應童子試輒不利
改就臬椽應謁選耻不獲大用年四十以親老力
辭終養給告身為州祭酒隱居于鄉築園亭濠上
訓子若孫治家甚嚴進退之間肅如也生平多格
言閭里奉為著蔡數請賓筵固辭不赴大司農吳
公採輿議文閣之建悉以委之規模宏壯皆出其
指畫卒年七十有七以孫紱貴贈中大夫

國朝

顧景星字赤方號黃公天錫子生有夙慧六歲賦醵
山燈時稱神童比長博極羣書詩文為海內所宗
與當時名公鉅儒輩往來相倡和尤工樂府兼善
書法崇禎末廷試貢士第一授福州府推官以不
附權貴隱居崑山縣

大清兵下崑山命以原職隨征辭養歸里沉潛經史精研
六書以獎進來學康熙戊午

詔試博學宏詞辭病不允己未春入覲 保和殿再以病
懇放還殿門著述顏其堂曰白茅有白茅堂詩文

集四十六卷行世又撰黃公說字二百餘卷以正
正字通之誤卒年六十有七子八普晨樞諸生昌
舉人另傳

徐琮字侶蒼工詩畫精六書學金石刻具有法度與
長沙陳鵬年相友善著有古文篆韻五卷

流寓

州舊志不載流寓府志錄長源以下數人皆安置茲
土者賢者之至其地雖遷移斥逐猶追慕之不忘如
此矧流風善政之在人者與

蘄州志

卷之十二

流寓

完

唐

李泌字長源徙居京兆七歲為文天寶中詣闕獻復
明堂九鼎議得待詔翰林仍供奉東宮嘗賦詩譏
誚楊國忠安祿山等國忠嫉之詔斥置蘄春郡

五代

陳曙蜀人嘗舉進士唐末遯于蘄山中室中惟一榻
素書數卷與蛇虎雜居雨雪滿堂亦自若數十年
顏鬢不改後徙鄂渚不知所終

宋

朱服字行中烏程人熙寧進士曾知廬州值歲饑便
宜振護全活甚衆後坐與蘇軾遊貶海州團練使
蘄州安置改興國軍卒

孫傳字伯野海州人仕中書舍人宣和末高麗入貢
使者所過煩費擾民傳言索民力以妨農功而于
中國無絲毫之益宰相謂其詞意同蘇軾熙寧中
所奏貶蘄州安置

元

顧七徵字季貞元平江路崑山州人阿瑛第七子也

蘄州志

卷之十一

流寓

三

元統間進士至正末參江州總管李黼幕時黼總
管江州兼攝蘄州賊徐壽輝陷江州復陷蘄州士
徵走詣卜顏帖木兒請兵復江州進復蘄州以功
授蘄路總管明初隱居蘄之鉅姆潭躬耕自晦稱
顧七官人遂家焉年八十卒

蔡相字鈍夫原籍南閩中建陽西山四世孫也元延祐
二年成進士授衡陽令多惠政尋陞衡州守後致
仕歸路經蘄西河驛見山川秀杰遂家焉晚號
西河隱者

駱大四江西德安進士官于蘄喜風俗龐古遂家焉
今子孫繁衍

明

壽章陳遜俱吳人羅啟蜀人以仕荆藩占籍于蘄章
子儒舉進士遜子灝本府教授啟子志觀愿慤工
詩

方技

蘄人通藝術者自方胗以外他技無聞程子謂不知
醫者爲不孝蓋技也進于道矣抑灝湖鹿門諸前輩
指授淵源有獨得者與

蘄州志

卷之十二

方技

三

明

張慕愷蘄州人成化初慕愷醫道大行不論貧富一
體施劑延活者甚衆扁其堂曰仁壽知州金銑重
其人爲作記表之至今稱醫有源流云

陳泰號自然蘄州衛人廣積方書精明醫道診脉斷
其隱微用藥咸有裁度教子僖中壬子鄉舉年八
十餘無疾終

韓泰字道誠常州府武進縣人高祖瑩元時爲蘄州

路提舉子顯卿爲蘄春府醫官孫璽繼業三世遂
占籍于蘄泰醫學精熟能甘淡泊憐貧施劑成化
中禮部訪求明醫行取赴太醫院三年稱病歸里
遂不起年七十九卒

郝守道字立夫以醫名燕齊江淮間論病治方多獲
奇功爲梅國劉公陸田周公所重皆有贈言大抵
巧不爲鑿工不爲拘者也

龐憲號鹿門生萬歷間明五經通鑑大義熟素問靈
樞明運氣理數用藥多奇中袁中郎題隱醫二字

蘄州志

卷之十二

方技

三

榜其門年七十餘卒

浦心肅荆藩良醫所精太素脈通風角鳥占每診視
斷人窮通壽夭百不一失用藥多立效後以壽終
見顧氏耳提錄

國朝

明長人少事儒業改習岐黃脈理精確藥不妄投

鄧元縉字霞素善丹青與徐琮同師黃樵長後徐精

山水鄧工花鳥及寫真見黃岡陳太史玉照堂集

黃軒字著南花草人物工細與常江南文士

雅愛慕